

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O DOPUNI ZAKONA O KORIŠTENJU OBNOVLJIVIH IZVORA ENERGIJE I
EFIKASNE KOGENERACIJE**

Sarajevo, novembar 2013. godine

PRIJEDLOG ZA DONOŠENJE ZAKONA PO HITNOM POSTUPKU

U skladu sa čl. 191. i 192. Poslovnika Predstavničkog doma („Službene novine Federacije BiH“, br. 69/07 i 2/08) i čl. 186. i 187. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09) predlažemo da se **PRIJEDLOG ZAKONA O DOPUNI ZAKONA O KORIŠTENJU OBNOVLJIVIH IZVORA ENERGIJE I EFIKASNE KOGENERACIJE**, razmatra i donese po hitnom postupku.

Zakon o korištenju obnovljivih izvora energije i efikasne kogeneracije usvojen je od strane oba doma Parlamenta Federacije BiH u različitom tekstu, nakon čega je isti, u skladu sa procedurom o radu oba doma, proslijeđen Komisiji za usaglašavanje različito usvojenih tekstova zakona i drugih akata te je zbog navedenog, došlo je do određenog propusta. Naime odredbama člana 39. Zakona o korištenju obnovljivih izvora energije i efikasne kogeneracije ("Službene novine Federacije BiH" broj 70/13 – u daljem tekstu Zakon) predviđeno je i propisano šta se treba, do donošenja određenih podzakonskih propisa predviđenih ovim zakonom, odmah primjeniti, a iz razloga što početak primjene ovog Zakona nastupa nakon isteka šest mjeseci od dana stupanja na snagu ovog zakona, kako je to propisano članom 40. stav (1) Zakona.

Međutim, ono što se želilo postići odredbama člana 39. Zakona nije moguće i realizovati, iz razloga što u članu 40. Zakona, koji propisuje stupanje na snagu Zakona, nije navedeno da će se odredbe člana 39. Zakona primjenjivati od dana stupanja na snagu Zakona, pa se tako iste ne mogu primjeniti, budući da primjena samog Zakona još nije počela.

Zbog navedenog, predlaže se donošenje predmetnog zakona po hitnom postupku, budući da bi donošenje Zakona u redovnom postupku iziskivalo znatno više vremena, a što bi moglo izazvati i određene štetne posljedice zbog nemogućnosti donošenja određenih odluka, u skladu sa članom 39. Zakona.

**ZAKON
O DOPUNI ZAKONA O KORIŠTENJU OBNOVLJIVIH IZVORA ENERGIJE I
EFIKASNE KOGENERACIJE**

Član 1.

U Zakonu o korištenju obnovljivih izvora energije i efikasne kogeneracije ("Službene novine Federacije BiH", broj. 70/13), u članu 40. stav (1), iza riječi "zakona", tačka se zamjenjuje zarezom i dodaju se riječi: "osim člana 39., koji se primjenjuje od dana stupanja na snagu zakona."

Član 2.

Ovaj zakon stupa na snagu osmog dana od dana objavljivanja u "Službenim novinama Federacije BiH".

OBRAZLOŽENJE PRIJEDLOGA ZAKONA O DOPUNI ZAKONA O KORIŠTENJU OBNOVLJIVIH IZVORA ENERGIJE I EFIKASNE KOGENERACIJE

I USTAVNI OSNOV

Ustavni osnov za donošenje Zakona o korištenju obnovljivih izvora energije i efikasne kogeneracije sadržan je u odredbi člana III.1. tačka f.), koji je izmijenjen amandmanima VIII, LXXXIX i CVI Ustava Federacije Bosne i Hercegovine, prema kojem je u isključivoj nadležnosti Federacije BiH utvrđivanje energetske politike, uključujući raspodjelu između kantona, te osiguranje i održavanje potrebne infrastrukture.

II RAZLOZI ZA DONOŠENJE DOPUNA ZAKONA

Dužni smo Vas podsjetiti da je Ustavni sud Federacije Bosne i Hercegovine, na sjednici održanoj 19.06.2012. godine, donio presudu broj U-5/12, kojom je utvrdio da je Uredba o korištenju obnovljivih izvora energije i kogeneracije ("Službene novine Federacije BiH", br. 36/10, 11/11 i 88/11), u nesaglasnosti sa Ustavom Federacije Bosne i Hercegovine, te da je potrebno da se zakonom uredi materija koja je regulisana osporenim Uredbom o korištenju obnovljivih izvora energije i kogeneracije

Odmah nakon objavljivanja presude Ustavnog suda Federacije BiH, Federalno ministarstvo energije, rudarstva i industrije je, s ciljem njenog izvršenja, pristupilo izradi Nacrta zakona o korištenju obnovljivih izvora energije i efikasne kogeneracije u Federaciji BiH.

Nacrt navedenog Zakona urađen je krajem avgusta 2012.g., a 03.09.2012.g. je upućen Vladi Federacije BiH na usvajanje i utvrđivanje Prijedloga zakona.

Vlada Federacije BiH je, na 60. sjednici održanoj 11.09.2012.g., utvrdila Prijedlog zakona i prosljedila ga u parlamentarnu proceduru.

Nakon razmatranja Prijedloga zakona u parlamentarnoj proceduri, na isti je podnesen veći broj amandmana, a što je u značajnoj mjeri produžilo vrijeme donošenja zakona..

Takođe, činjenica je da je Zakon o korištenju obnovljivih izvora energije i efikasne kogeneracije usvojen od strane oba doma Parlamenta Federacije BiH u različitom tekstu, nakon čega je isti, u skladu sa poslaničkom procedurom o radu oba doma, prosljeđen Komisiji za usaglašavanje različito usvojenih tekstova zakona i drugih akata.

Zbog navedenog, došlo je do određenog propusta, kako slijedi:

Odredbama člana 39. Zakona o korištenju obnovljivih izvora energije i efikasne kogeneracije ("Službene novine Federacije BiH" broj 70/13 – u daljem tekstu Zakon) predviđeno je i propisano šta se treba, do donošenja određenih podzakonskih propisa predviđenih ovim zakonom, odmah primjeniti, a iz razloga što početak primjene ovog Zakona nastupa nakon isteka šest mjeseci od dana stupanja na snagu ovog zakona, kako je to propisano članom 40. stav (1) Zakona.

Međutim, ono što se želilo postići odredbama člana 39. Zakona nije moguće i realizovati, iz razloga što u članu 40. Zakona, koji propisuje stupanje na snagu Zakona, nije navedeno da će se odredbe člana 39. Zakona primjenjivati od dana stupanja na snagu Zakona, pa se tako iste ne mogu primjeniti, budući da primjena samog Zakona još nije počela.

Kao primjer, ističemo da je Federalno ministarstvo energije, rudarstva i industrije, u skladu sa članom 39. stav (2) tačka 4) Zakona, uz prethodno pribavljen prijedlog Regulatorne komisije za energiju u Federaciji Bosne i Hercegovine (FERK), pripremlilo Prijedlog odluke o jediničnim iznosima naknada za podsticanje proizvodnje električne energije iz OIEiK za 2013. godinu, koja bi se primjenjivala do donošenja Uredbe o podsticanju proizvodnje električne energije iz OIEiEK i određivanju naknada za podsticanje, kao podzakonskim aktom, u skladu sa Zakonom, ali da, u skladu sa Mišljenjem Ureda za zakonodavstvo i usklađenost sa propisima Evropske unije broj 03-02/2-17-922/13 od 29.10.2013. godinu istu nije moguće donijeti, budući da se Zakon još nije počeo primjenjivati.

III FINANSIJSKA SREDSTVA

Za provođenje Zakona o dopunama Zakona o korištenju obnovljivih izvora energije i efikasne kogeneracije nije potrebno izdvojiti posebna sredstva u budžetu Federacije Bosne i Hercegovine.

- ODREDBA ZAKONA KOJA SE DOPUNJUJE -

Zakona o korištenju obnovljivih izvora energije i efikasne kogeneracije

("Službene novine Federacije BiH" broj 70/13)

Član 40.

(Stupanje na snagu)

(1) Početak primjene ovog zakona nastupa nakon isteka šest mjeseci od dana stupanja na snagu ovog zakona.

(2) Ovaj zakon stupa na snagu osmog dana od dana objavljivanja u "Službenim novinama Federacije BiH".